

**Aningaasarsianit akileraarutit pillugit Inatsisartut inatsisaata allannguutissaatut  
Inatsisartut inatsisaat nr. 5, 23. oktober 1991-imeersoq**

**§ 1**

Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, kingullermillu Inatsisartut inatsisaatigut nr. 1, 18. april 1991-imeersukkut allanngortinneqartumi makku allannguutigittinneqarput:

**1. § 26** imatut allanneqassaaq:

"§ 26. Kapitalimi uani malittarisassat naapertorlugit inuit piginneqatigiiffiillu il.il. tamakkiisumik ilaannakortumillu akileraartussaasut nuna tamakkerlugu akileraarummik, kommunenut ataatsimut akileraarummik, kommunemut akileraarummik, nuna tamakkerlugu akileraarummik immikkut ittumik, iluanaarutisianit akileraarummik piginneqatigiiffiillu akileraarutaannik akiliisartussaapput."

**2. § 26-p** kingornatigut ilanngunneqassaaq:

"§ 26 A. Piginneqatigiiffiit il.il. tamakkiisumik ilaannakortumillu akileraartussaasut aningaasarsiamik akileraarusigassat 35 pct.-iinik piginneqatigiiffiit akileraarutaannik akiliisassapput."

**3. § 31, imm. 2** imatut allanneqassaaq:

"Imm. 2. Piginneqatigiiffiit il.il. akileraartussaasut inuillu killilimmik akileraartussaasut imm. 1-imi pineqanngitsut aningaasarsiaat akileraarusigassat tassaapput aningaasarsiat akileraaruteqaataasussat koruuninut 100-mik agguataarneqarsinnaasunut qaninnernut ammut akunnaallisat."

**4. § 54, imm. 4**, oqaaseqatigiit aappaanni allassimasoq "aningaasarsianit akileraarutit" allanngortinneqassaaq imaalillugu: "piginneqatigiiffiit akileraarutaat"

**5. § 79, imm. 1**, oqaaseqatigiinni siullerni allassimasoq "aningaasarsianit akileraarutit" allanngortinneqassaaq imaalillugu: "piginneqatigiiffiit akileraarutaat"

**6. § 82, imm. 6** imatut allanneqassaaq:

"Imm. 6. Landskarsip suliffeqarfiutaasa aktie- imaluunniit anpartsselskabinnegortinneqarsimasut piginneqatigiiffiillu Akileraarnermi Pisortaqarfimmik kommunetut akileraarfeqartut akileraarutaat, tassani ilaallutik iluanaarutisianit akileraarutit, landskarsimut nakkartassapput. §§-it 65 aamma 68 naapertorlugit erniat tapiliussallu piginneqatigiiffiit akileraarutaannut iluanaarutisianillu akileraarutinut attuumassuteqartut taamatulli landskarsimut nakkartarlutillu landskarsimit akilerneqartassapput."

**8. § 82-imi imm. 7**-itut ilanngunneqassaaq:

"Imm. 7. Piginneqatigiiffiit akileraarutaat landskarsimut, kommunemut akileraarfimmik kommunenullu tamanut nakkartassapput, taamaattorli takukkit imm. 5 aamma 6, § 27 naapertorlugu ukiumi aningaasarsiorfiusumi akileraarusiissutigineqarsimasup, tassa § 28 naapertorlugu ukiumi

anigaasarsiorfiusumi 1. januar-imi innuttaasut amerlassusaat malillugu  
akileraarusiissutigineqarsimasup, aammalu § 28 A naapertorlugu ukiumut anigaasarsiorfiusumut  
akileraarusiissutigineqarsimasup assigiinngissutaat naapertorlugu."

## § 2

Inatsisartut inatsisaat 1. december 1991-imi atuutilissaaq, atortuulissallunilu ukioq  
anigaasarsiorfiusoq 1992 aallarnerfigalugu.

*Namminersornerullutik Oqartussat, ulloq 23. oktober 1991.*

Lars Emil Johansen

/

Emil Abelsen